

col

科場條約

Rare Book 4701.9

2422.80

1660




RARE BOOK

有命比至大
中文圖書館

APR 15 1940

\$68.00

科場條約



信開

叩令

今春... 意欲...

一本...

共餘一本...

各一本...

再...

...

...

...

行之例一一詳查料理并移臬司
各道一體遵照仍楷書告示於本
都院部堂及該司並貢院門首各張掛
曉諭再印刷書冊給各執事官吏
各一本其應試生監每批十人為
率共給一本以便輪看仍每樣具
一本齎院以憑查閱

功令森嚴慎勿違錯須至條約者

計開

一京考及同考至境上斬馬停潼關道并分守關內道嚴加
防護報院擇日入城是日巡捕官嚴逐行人候京考駐
公館同考赴本院後晝夜巡邏依時啓閉有指稱考官
親識等項各色設計誣騙者即便拏送枷遣一應供給布政
司委官辦送其生儒央浚營幹致被誣騙者一體遣戍
一入簾執事官俱限八月初二日到省布政司查計應
用官員若干照數預期揭報仍多開數員以備本
院選擇闕用各預定處所并合用家活物件等項
預行修整門戶牆垣尤宜堅固各生具揭送查

各官入省不許赴各衙門參謁守門官徑直伴
送赴院查照分住按察司委酌當巡捕官送入
封門每日辰時按察司首領官一員赴本院
領鑰匙封條同衛巡捕官送進柴米水菜即
行封鎖垣外周圍都司委官一員帶領軍軍
及地方人等晝夜巡邏如有生儒及閑人在
彼窺探就便拏送重究

一應試生儒提學道先將考取名數并年貌籍貫
經書開冊二本一本送本院一本送布政司收查

生儒校到司該司查以提學道原案相同
卽與附簿各生仍要互相覺察同批生儒如有
詐冒匪喪及劣生代考廣緣等弊卽便首舉毋
得容隱以致連坐并取連名結狀同批文一併
投司候本院查閱其在歇處所不許逼近貢院
至場中交卷尤當驗明方可給發放行其遺才
限場期六日前送冊到院

一 點名冊將教官貢監遺才須附于各州縣正案
之後以便批首識認

一三場試卷仍照舊式于草紙幅末卽刊謄真紅
格一幅首篇文字半謄草幅半謄真幅免滋弊
端布政司先期出示布定規式令各舖行備一
色堅白連四紙如式摺造不許參差界畫要各
淨前後要整齊酌定價值一一須經該司驗過
嚴禁吏書舖行不許通同暗記把持才勒先將
各舖戶姓名開揭送查其生儒各照價買卷卷
首依式開寫年貌籍貫所習經書赴布政司投
納印卷官驗果合式卽與印印仍查照府州縣

次序及生儒原考等第名次分定一二三場每
場每府各置卷箱收貯候本院點名逐給若初
場貼出者次場點名簿內卽註開除試卷不許
混入三場亦然至于硃卷務用密厚白紙不許
長短不齊以滋弊竇謄卷銀硃須預先和製成
錠庶便磨用

一至公堂照舊用大櫃二箇一貯經書性理子史
及陝西恩科北京各省近科試錄一預貯應寫
紙筆硃款封條等項專委忠實吏二名看守完

送教目稽考出入

一東西文場坐號共五十四號每號共六十八盒
臨時掣籤分坐恐有換移群聚之弊宜先刊家
西文場字號印記各一條空號字與教目字印
各卷前面又置籤箒五十四箇將每號六十八
枝秩序填完鑽孔以便索貫入籤箒內臨期編
號本院與提調監試官督同彌封官于至公堂
東西設條卓二張各將東西二十七號籤安置
卓上每箇信手抽一枝共二十七枝錯亂長索

實爲一束兩頭結定一面清查卷序亦二十七
卷爲一束每束仍貼一順序號帖分別東西一
束卷付一束籤書手照註卷面填寫書手多多
益善片時可完籤不下索免致遺亂臨點生儒
徑令照卷認坐一學生儒每號不過一名卽數
過五十四名者每號不過二名不致群聚且免
換籤之弊二場三場或更易東西或顛倒上下
隨意錯雜仍照前法編註如有貼出及不到者
卽照數將號尾二三籤摘出以便稽查

一入簾宴應用封條若干該司先委官赴院稟願
將各門窗封鎖都司選千百總四員帶領軍牢
二十名分把大門二門不許生儒併一應閑人
混入供事人役給牌懸帶驗查

一入簾日辰時本院先將書吏門廚并考官家人
門廚卷箱等件公同二司逐一搜檢安置畢封
鎖貢院責令巡捕官巡視本院四院候巳時同
試官赴宴各官俱紅錦繡院門聚齊先雜職次
川縣佐貳府衛首領州縣正三司首領守備府

佐次三司考官又次本院一同到宴布政司委
官請京考入宴畢依次入闈至公堂揖畢送入
經房封鎖然後外簾官照序入分發各所門封
卷箱隨進搜檢無弊各行封鎖其一應供應人
役俱止大門外聽候堂上擊板然後依序點入
當堂檢視別無夾帶逐起放進各所官嚴行檢
防如有越牆隔壁傳問言語定行提究不貸
一入場隨從人役布按二司撥精曉事體善書算
吏農十名承差五名咸長二縣選皂隸十二名

門子四名俱在至公堂聽用仍選陰陽生一名
明醫一名預買應用藥餌隨帶備用京考應考
人役隨便考官各帶家人二名二司每員吏門
厨共四名府佐州縣正各帶吏門厨各一名雜
職寺官并巡緝官各帶門子或家人一名厨役
每所二名

一貢院內外各門鎖鑰不許相同每一鑰繫示牌
上書某門鑰匙布政司仍委的當官一一驗試
不得臨期有誤其監臨提調監試京考并分考

官各門鎖鑰共一樞五所鎖鑰共一樞大門二
門至公堂後門內供給門鎖鑰共一樞承差
號吏門子等房鎖鑰共一樞各號口鎖鑰共一
樞每樞付一謹慎承差收管稟取稟封樞上
寫明白以便查用每晚送本院收貯

一 監臨提調監試京考并同考關防及三不戒
號印子各所批廻關防封條等項俱入簾之
目公同定式刊刻合用板片諸物布政司預備
一至公堂內外簾及供給等所供事人投布政司

查照取用備造花名文冊二本一本送院一本
臨時搜點放入凡係跟隨供應等項入役內外
衣服俱用青色以防奸弊仍行脩理貢院官製
造小牌送按察司印烙花押外供給所各役懸
帶燕尾紅牌內供給所各役懸帶綠頭白面方
牌內外簾家人門厨及吏承役俱懸帶紅頭
白面圓牌各牌前面寫本役姓名年貌背面寫
某官某役先期照數分發各官自行填給無牌
者卽行挈門各役點入後本管官嚴加鈐束不

得縱容彼此往來探聽消息其近街房屋尤宜
萬分叮囑慎重以防漏洩但有故違本役用三
百斤重枷枷號究遣官另議

一入場日布政司預置大牌二十三面照州縣點
名次第上書西安等府興安州並各邊衛所
預出告示每牌加一高竿大懸燈籠令一人執
燈隨牌行燈上寫明某府州縣衛所生儒立此每
場先一日都司掌印官督令府縣巡捕官兵地
方人等於貢院前後嚴行巡視務令肅靜其大

門內應用官軍並於是日午時聽該司選定簡
入伺候三更一點播鼓一通舉大炮一聲各生
在寓食飯二點播鼓一通舉大炮二聲各生齊
赴貢院門看三點播鼓一通舉大炮三聲開門
舍人張旗於前生儒同旗在後提學道分巡道
於貢院坊點名分守道都司掌印官於頭門點
名本院同提調監試官於二門點名俱先喚批
首前立逐名辨認以防雇替各搜簡官軍於頭
門二門每處用官五員領軍五十名兩傍擺列

中容生儒一路一人先叫仔細搜檢衆人齊
每二人共搜一人沿身逐檢如有片紙隻字金
銀物件即拿送按察司監問各軍亦不許
非禮呼喝故入字紙等項以圖中傷搜檢畢軍
夫盡出本院然後封門登堂

一生儒入場俱至貢院門前照原定牌下序立各
戴滿帽穿青布無托肩單直身單袴不許縫邊
草鞋時若雨寒許用直闊青布四尺稀縫附青
直身外面有毡衣者聽各帶筆四枝墨一錠硯

一箇持拿在手仍各執帽露頂解衣舉手聽搜
檢畢領卷查照卷面號票徑入號舍有不服搜
檢喧嚷擠越者扶出

二門内置新淨大缸二口內注極潔薑椒滾湯
每缸邊放磁碗十五箇用卓安置各委吏二名
看火添水生儒點進唱報椒湯在此聽其自飲
一膳錄用吏農書手對讀用生員提學道查照數
目預行附近州縣儒學查無父兄子弟入場方
許具結起送限八月初七日守巡道同都司先

搜檢明白聽本院覆檢點入仍預造年貌籍貫
文冊送院以備點驗入場之時生員書手
俱戴端帽各隨身衣服鞋襪并梳子手巾被褥
草蓆進用如有夾帶黑墨錠硃搜出用二百斤
重枷枷號二箇月問罪

一場中合用軍人除有親戚應試不許差撥外都
司俱要揀選精壯正身備造各項應用手冊二
本一本送院查考一本送布政司臨時搜點放
入每軍人各置一黑頭白面長木牌將正面粉

白填寫姓名年貌背面用紙寫貼瞭高監守巡
號等項名色以便各場吊牌改撥其牌該司俱
印烙花押給散懸帶各於八月初八日十一日
十四日午時聽點搜檢放入照各原定去處坐
守不許彼此交通私換牌面本司官務要預先
分派教演停當毋得臨時差錯各軍止許穿青
布長衣滿帽草鞋不許夾帶別物及雇替棍徒
容令生儒親戚家人頂入作弊違者用二百斤
重枷枷號三箇月調遣

東西文場每場南首各設二大柵上書東西文
場以便生員入號北首亦各設二大柵書東西
文場以便生員上堂交卷每號各另設一柵上
書天地黃等樣號扁傍柵明亮燈籠亦書某
字號數字以便觀認仍置水缸一口滿蓄爭水
同火鈎水簾預防不虞有并處所亦備繩索局
桶各全副聽用每舍置水罐土燭生小淨桶各
一箇木界尺二條俱先期整頓着各軍人看守
比晚注水於罐若有缺漏失誤許生儒即行高

聲直呼巡緝官即時稟拿看號軍人重責枷號
各號盡頭去處離號數尺掘坑爲廁聽各軍日
便不許號內作穢違者究治

一生儒領卷即照票東西各入本號靜坐不許顧
望奔走群聚暗約講題換文等弊題目分到要
上緊作文申刻完稿謄真不得延至夜深文完
默看改正毋高聲朗誦攪擾鄰生監舍軍人各
卸枚在口對舍坐地不許站立謄真交卷俱聽
明遠接并曰角樓號傳舍軍不許亂聞以亂文

思初場午後給燭二枝二三場巡緝官於未刻
查明在號生儒若干名稟堂領燭凡一二三場
散燭檯從東西文場北首柵門至各號口聽明
遠樓吹號一聲交把號軍人挨次給燭二場一
枝三場一枝毋得遺漏致諸生離號告領違者
重責

一給燭照布政司原議每菜油六斤入白蠟一斤
務要如法堅硬準長五寸違者布政司查究
食盒裝盛另貯提調房關防以後着為定例

一每場散題一時刷印不及每號先給一張傳者
少頃再發各生儒不許邀截如作文已完務要
檢點卷內字樣如式仍將諱紙上註寫本生姓
名同界尺水確燭臺淨桶俱留號內筆墨石硯
帶回本生執卷軍人執餘燭同赴至公堂交卷
領籤本生從甬道前行軍人隨後徑至二門把
門官收籤放出如無籤者送堂查究類至百根
赴堂呈繳稟請鑰匙封條二司輪流一員親看
擊鼓一聲耳方纔開門將生儒軍人各另放出隨

將大門封鎖鑰匙送堂把門官將逐起放出各
數記簿查考每場遇開門之時貢院大門外守
巡道同巡臨彼處督率巡捕官兵兩邊擺列
辟除閑人毋容擅進柵欄門內致生傳通等弊
違者拏究

一監舍駐紮巡號人等都司督同各衛預選伶仃
精壯正身次第分撥每一號該若干名內以能
事者一人作號頭守把號口又能事者二人作
巡綽其各舍各軍一名監守號高四座每後軍

六名明遠樓四面每面置四名三場更調撥用重
政司仍查置鮮明布旗中留白地曠高者大旗
各照方色把號者小門旗上寫東西某號巡邏
用小藍旗上寫巡邏字樣巡緝官督令每號二
人各執巡旗一面前後探視彼此來緩步齊
聽遇有生儒講話傳遞文字就將所執巡旗豎
立本號之上懸高樓即吹畫角一聲擊梆一遍
仍高呼某字第幾號生儒作弊巡緝官隨即
直入差人連守舍軍人拏送堂上重責發按察

司用二百斤重枷號二個月問罪其舉事得
實官軍卽賞三兩銀牌一面

巡緝官四員將東西文場地方分定先一日挨
查號舍有無預將文字埋藏等弊俟到乾淨候
生員入號後各從中道兩傍自朝至暮往來覓
察不得擅至大柵門內與生員交話亦不許容
供應員役候役差送茶湯酒飯入號傳遞違者
重責候泰但遇生儒軍人有出號走動及稽覈
巡視知弊不報者卽從公重懲堂追究本官紀錄

優獎其催債文卷初場候申時未至公堂擊鼓
三下明遠樓吹號三聲方許高聲齊叫快騰真
一句至酉時未至公堂擊鼓三下明遠樓吹號
三聲方許高聲齊叫快交卷一句餘時軍人喏
枚靜候凡擊鼓吹號俱巡緝官查照按時稟行
一生儒制義須會文切理一稟傳註不得過為軋
茁雜以離經判道之語經書義俱以五百字為
限多不得過二十字以外違者謄錄所呈堂貼
出二三場亦不得冗長違式表過千字以上論

策過二千字以上者俱以違式論卷末照常開
寫塗註字數其有顛倒題序差落題字或破筆
起講束結用字一律如七夫七蓋七也七哉七
嘗謂七要之七大熱七抑等類或論策內自叙
門第辛苦或表內行移差錯或誤犯避諱失寫
塗註字樣及有真無稿有稿無真臆真越幅等
項俱貼不錄

一外簾受卷各所等官皆經選任百九舉動務遠
嫌疑入簾之日本院公同提調監試於至公堂

定分執事各官領事之後每日免揖各所大門
本院每日同二司封鎖鑰匙送堂收貯不許私
自出入往來每所置雲板一面放門內木魚一
個放門外內有事擊雲板外有事擊木魚各
三聲爲號本院親詣開門事畢封鎖不許無故
借事出稟其日送內簾下程并試卷等項俱
稟白本院公同二司啓閉以遠嫌疑
一布政司置編卷號簿五扇掛號簿十五扇俱記
定張數用印鈐蓋編號簿每場編完本院與二

司各用花押印封卽貯櫃內直待填經時吊取
查對掛號簿將五扇存堂總計堂上收發卷數
將十扇發五所內五扇作收卷號簿五扇發
卷號簿每所府佐官爲總管收發卷數號簿其
各所簿面上大書其所其號簿在堂上者亦查
照各所名目書簿如受卷所則云至公堂受卷
所號簿餘倣此每所俱刊定批票照上科式預
定數目印刷候用如受卷所則云受卷所爲科
舉事除外今將本所收受第幾場試卷開送

彌封所守取批迴附照計開某經試卷若王某
年月日時刻送去卽於本所前項發卷號簿內
掛號開立前件送堂掛號轉發彌封所却於年
月後親註彌封官某人某時如數收訖關防押
字回照赴堂銷號仍發受卷所於前件項下附
銷如數有不同印便票堂查究彌封等項所俱
照前例施行每一場畢通將前票送堂查照
本司仍置空白紙簿四十扇用印鈐記存堂聽
候別項取用其內外簾客所執事官俱用靛筆

惟謄錄所用硃筆以便關防外簾不許帶黑
墨內簾不許帶紅硃

一受卷所官二員置長連卓五張上置有座高
木牌五面大書五經字於上列至公堂簷下卓
上置鎮卷木二十條預先呈堂巧刊細字關防
一條刊受卷所某處某官某名關防其每字
陰減一點半畫若減若無減令人急難辨認封
收備用凡交卷時各經就以卷到先後為序至
卷後面即用關防印記免致抽換每十卷為一

小東每五十卷為一中東又一百卷總一大東
每東作一個字號浮帖在上是日照經查定各
總數若干暫貯卷箱卽稟封識不許延緩次
早清查無差卽於本所收卷號簿內登記收完
某經試卷若干共若干其應貼出卷俱待彌封
完後查明呈堂亦註簿末初場二場俱大書籍
貫姓名揭示大門外以便查考仍將貼出卷數
轉付掌卷所收貯其餘盡留彌封所照例查發
一彌封所遇通場關節尤當真容本所官就於至

公堂上聽候本院公同提調監試官親臨監督

先期呈堂巧刻細字關防一條彌封所某處某

官某名關防其每字陰減一點半畫若減若無

減令人急難辨認封收備用將五經編號簿責

令能幹吏匠人等先將生儒姓名籍貫挨次開

寫除日月李柰生王水永等疑似字不用外其

餘字號照舊規用三不同字樣錯綜編上方將

試卷輪序彌封其墨卷之號預先填於彌封紙

上每字用一紙撚穿釘臨時照號糊封卷首加

意嚴密封完卽用關防騎彌封紙條之縫
記卷面然後將各卷查驗有無失格若應該
出者開數呈堂查明截角施行其餘將未
卷亦照墨卷編號對同將硃卷包墨卷每
十卷縛作一小束積至一百卷縛為二大束卽用至
公堂本所發卷號簿內開前件卷號數目送
堂以憑掛號批發膳錄所守取收管照銷粘卷
通完將各經號簿固封送堂以憑本院公同提
調監試官印封收貯次場再發重編如第一場

編天字號二場三場務仔細對同不許差錯毫
髮其編號五經尤宜分別每字皆十號如易經
自天字起若干卷至某字止則書經自某字起
他經倣此庶不混誤每場封畢吏匠人等卽押
至本院近處空房領封鎖閉以便關防每日
供給所酌量人數送與飯食彌封時本院二
司聽用人役不許近前窺看違者拏究

一膳錄書手四百八十三名俱於附近各州縣選
解善書人用通將名數編成號數每號二十

名內選考勤慎者一人為號長免其膳錄止令
管理出入數目分散文卷及催僱提點凡遇至
公堂發到各經硃墨卷總管官卽於本所收卷
號簿內登記某起某官某役收到批發某經硃
墨卷若干共若干就將墨卷比對硃卷字號相同
方發各役抄膳仍令置簿一扇分註各官役領膳
試卷名數務令楷書大字不許潦草差落一人
日膳二卷交過一卷方給一卷膳完就於面上
自註某府縣膳錄書畢某人官亦印註銜名於

上如卷內有違式失格越幅犯諱等項應勘者
送總管官類稟查明貼出每騰完一百卷即用
批送堂掛號轉發對讀所查照驗收批發回銷
如有減去行數差落字句者查出卽行責究
其或截換好卷那移謄寫并埋沒等項或衣
染墨塗故污試卷希圖稟貼免謄者事發原
錄人役用二百斤重枷號三個月間遣職官
連坐治罪中間有禁醵不違約束者稟堂重
責發按察司照積年例遣

一對讀生員編號立長俱如騰錄所法凡遇至
公堂發到硃墨試卷總管官照前式於本所
校卷簿內登記明白比對硃墨字號相同總管
官分給各生領對仍置簿一扇登記分對某號
文卷係某某領對每二人一日必對十卷務要
逐字逐句誦讀明白若所騰遺錯字少者許
稟所官添改字多者稟堂查究原來里至卷一
字不許更易對完亦於卷尾註某府縣對讀
生員某人官亦照前印註銜名以便查理對

完百卷卽照前式填批掛號送至公堂以憑本
院抽對果無差錯方轉發各該所收領取批註
銷如讀卷內犯有各弊者俱送總管官查明稟
堂貼出各生若懶惰潦草失覺脫誤及更換增
減等項情弊或偷別生姓名開註與不聽號長
約束者陸續稟堂究責其該所官不行嚴督
以致差錯之甚者查出一體叅究

一收掌試卷所凡遇至公堂發到硃卷隨卽照
數登記本所收卷簿內卽時呈堂掛號以憑轉

送內簾主考處分散各考官披閱收卷時煩
為查照批內親書收訖字樣發回註銷附卷
查考其墨卷不拘已未中式俱掌卷所查收
要見貼出不錄者若干彌封謄錄過各若干類
記總數呈報如有少欠卽於四所扶查下落第
二三場亦然但有差錯該所官不得辭責
一內供給所專管三場生儒饅頭粉湯軍士飯食
等項并日逐辨送內外簾官員人等支用俱
要依數精潔堪用本院臨時嘗驗如有不堪

定以侵欺究罪本所仍置立文簿一扇酌量事
體大小每事派官一員或二三員管理又每日
輪流一員巡風晝夜隄防火燭清晨回報多置
水缸以備不虞如各該管官有怠緩悞事者
定行拏問該所通將應行條件及職役派管事
宜揭示壁間使便遵守仍預呈本院查驗
一每場供給東西場各派管一員分定管理如東
文場共號若干每號生儒軍人各若干名合用
饅頭粉湯各若干槓樁人若干西文場亦然

各官分定號數預先排定每槓人執紅追白
心小旗一面上寫東西文場某號每場不必
更番湯飯辦完至巳時中刻本所擂鼓一通
巡綽官赴堂稟湯飯已辦堂上擊雲板三
聲開門將供給之物挨次分從兩邊進至北頭
第一號口各依序對號立定待明遠樓重者
兩邊齊備擊雲板三聲方許一同放肩置之
地上委官令各役將饅頭湯飯併筭俱從柵
欄上挨次急遞至號盡頭一齊遞與生儒

食畢仍挨次進出收放停當明遠樓又擊雲板

三聲各齊上肩立定自南頭第一號起依序走

出母得挽越其軍士米飯先於辰時初刻亦照

前規分給午時中每生再給梨餅未時稻米水

飯一大碗醬瓜一塊亦照前規分散其各擅擅

人役俱要啣枚肅靜分委官員預先教點停當

不許臨時攘亂失序致取罪責前項食物東西

場各多置二三分以便本院臨製手親嘗如有

不堪厨役重究該管官責治

一外供給所每早將內外簾該送下程每分填
小票備開某房某物若干壓放下程上各房至大
門外立齊擊鼓三聲內巡緝官赴堂稟報本院
公同二司親看開門各役以次擡進大門內擺
列兩邊卽時趨出聽內供給官逐一查點明白
令內供給人役轉運裏面盤盒什物內分送
各房照票點收隨將外面家活遞出旋即封鎖
凡內所取物件凡日開票送堂驗發巡緝官
同把門官覆檢無異方許交與外所次日辦完

連票如前併送俱不得違錯若物數短
少及不堪用查出究贓治罪仍領簿二
扇登記數目與內所簿票並聽布政司
查考五所俱要一體謹慎火燭各辦水
缸器具以備不虞

一各該執事人役應給飯食除內簾京考
并同考帶有書門外簾官帶有吏承門
厨俱於各官供應內計數并送外其膳

錄對讀二所將各生書手照依原編字
號名數呈堂發供給所查照每日每號
飯二桶湯二桶茶二壺并肉菜等物酌
量整備務令足用仍於每桶粘寫某號
湯飯以使分發其至公堂并彌封等處
在場有事人役該所量各人數亦要如
前辦給并乾淨熟執使之可食仍每早
各填一小票備開數目稟提調官委官

照示驗放

一揭曉先一日西安府督令地方結綵各衛委能
幹官一員預備金鼓旗幟響器細樂鼓手
咸長二縣委官帶領綵旗綵亭合用馬匹至五更
時分俱於貢院前聽候布政司署印官置榜綵
亭張樂巡掛司司以彰盛典各巡捕官嚴禁街
坊不許喧嚷違者聽該司拏治

一中式舉人看榜後各服本等衣帽即赴貢院
聚齊布政司預委能幹官員即將新置圓領

衣分贊裁縫各隨長短完結邊幅著青線
三聲候本院開門各候名次進見布政司委首
領官一員督發絲亭花紅等項府衛掌印官
督令原派吏役分投簪花掛紅各照榜序魚貫
乘馬鼓樂迎導亭帳旗扇各列舉人馬前徑赴
府亭拜謁

先師禮畢至布政司前下馬候京考本院三司及各
官到齊相見畢然後舉人謁見京考本院三司
考官提學俱四拜外簾各所等官俱二拜畢

查照舊規依次作樂行酒酒畢衆皆揖讓而坐
通至宴完徹席已畢方起拜謝成禮而退毋得
離次先出供湯供饌執事人員該司預派

一迎舉人都司預選能幹千百總八員舍人四十
七名軍牢鼓手各照應用名數府衛縣丞撥吏
農四十七名備馬四十七匹俱要衣帽齊整鞍
轡新鮮每舉人馬一匹控馬夫二名執傘夫一
名執名第牌甲首一名管夫馬旗帳舍人一名
管席面吏農一名檯旗帳軍牢二名執綵對

軍軍二名擡喜慶牌軍軍二名吹鼓手四名五
魁加擡綵帳軍軍四名其千百總內一員管領
全鼓旗幟響器網樂等項擺列前導舉人
每十名一員管理布政司預行各該衙門先
將各色人員總類開報刊印紙票內開第幾
名舉人某人下昭然千百總某吏某舍人某吹
鼓手擡執賀牌綵帳綵對軍軍擡馬執傘夫
執名牌甲首各其某逐名填寫完用印給千百
總吏舍人等照票點查管率迎送不許有誤

其馬匹馬夫聽候舉人衆各衙門禮畢方散
該司仍先將各管執事姓名出示曉諭以便遵
守其喜慶牌匾大書解元經元亞魁文魁及
各名第牌字須精緻端楷以彰盛事

一設宴日布政司委首領領請本院封條將本司
各門封閉仍會按察司首領官督同西安府委
官各往來巡視都司選能幹百總四員精壯軍
軍四十名分列本司大門儀門東西側門每處
百總三員軍軍十名嚴禁把截其執事吏承及

廚房等處供役人等布政司各給木牌上寫姓
名年貌脚色及所管事令各懸帶以便關防大
宴之時本院并三司量帶門吏承差四名京考
從便同老官及各與宴官止帶從人二名舉人
帶家人一名各給紅絨花一枝歌詩童生與樂
舞生亦各給絨花一枝執事樂工人等用紅絨
花一枝為號俱在大門外驗牌給花以次而進
其餘門皂軍卒人等各於大門外候若係無
牌無花擅入者把門官軍拏送理問所監聽

稟其各衙門隨入人役有潛入廚房需索酒
食竊取宴物者巡視官緝拏次日送院枷責
一西安府知府設在會省一體與宴其三司首領
府縣佐領及三學教官効有勤勞者應否與
宴各查舊例施行

一鹿鳴盛宴品物俱宜豐潔該司須每事查點
毋令下役侵尅苟簡先將與宴官及舉人席次
畫圖貼說作一大軸設席棚張掛於二門外左
使各知之仍照舊規每席將卓面品物并銀盃

旗帳花紅等件數目刊印小圖一軸逐一開列
上題鹿鳴盛宴圖給與各管吏農收執其席俱
查照舊規陳設各官俱穿大紅錦綉合用雅樂
該司行西安府預選民間俊秀子弟并年幼
樂舞生演習舉宴之日先歌鹿鳴等詩其餘
聲樂酌量次第舉奏宴將畢歌天保之什以
致祝願之誠其守門巡捕巡風等項官吏歌詩
作樂童生等役該司亦各量給酒饌

一徹宴 政司首領并盛長兩縣佐貳官責令先

期照圖將徹席吏農食擔人役依次東西派定
仍置長柄白牌十六面本院京考并同考官布
政司按察司都司府官東廳與宴官西廳與宴
官各一面舉人每十名共一面上書各衙門及
第幾名舉人字樣為號總委官二員收掌擇撥
領牌徹席吏農一十六名在外聽候入宴之後
本司委官預先擺列該司二門外東西階傍宴
畢擊鼓三聲委官出喚該徹東邊幾席者令官
將牌交與原撥徹席吏農帶領盒擔人役各挨

起次東入徹畢由東而出該徹西邊者亦如之
徹席先自舉人始十名一起給牌出入前是夜
出次起方入徹席出者每從外席近門先行尋
致混亂或有不候牌喚及不依起數次序攪越
喧呼者委官徑治徹席出辭二門堂上鳴金三
聲宣展三起謝舉人仍照名序東西分立候升夫
臣齊備委官稟報各方按次出司不許紊亂各
該官吏率領原派夫役執排練帳照路向立聽
候舉人上馬分役迴回其各營席吏承將前給

宴圖品物花紅銀盃等件照圖逐件查交明白
各舉人仍於票上親書收訖二字齊回繳查

一舉人坊牌銀兩布政司先期委官傾錠鑿字
各用紅漆櫃盛鎖仍用紅紙一條開寫第一名
坊牌銀幾錠若干兩以後經魁舉人照式開寫
粘貼櫃上次日各舉人於布政司謝宴後著家
人親領

一揭曉後提調房即將中式硃墨卷檢放一處候
本院公同正副主考并提調監試各官查對等

號無差隨於場中照上科

題任事理每十名爲一封用監臨及布政司各印等

蓋起解布政司預備箱損齎解官承人夫毋誤
一場中合用物料器皿等項應買辦者俱於科舉
銀內支用應借辦者咸長二縣先行借辦絕不
用金銀器皿事完之後照數給散有損壞估價
賠還其一應徵品與夫鹿鳴等宴取用諸物及
各匠役工食布政司通判花欄小票付各經管委
官陸續填價給足色官銀如奸徒勒騙或燒

銷成色短少數目者許舖戶匠役指實陳
以憑拏問追給

一榜出後內外簾各官并各項人役隨身行李
按察司先定委官四員當堂檢驗明白方許放
出如有夾帶官物者拏問各房火燭各官諭令
從役仔細撲滅仍領本院封條封鎖大門聽布
政司委官查點其供給所剩下物料係干錢糧
具冊開報各衙門安置米面止可足用不可過
多本院亦然

一貢院周圍牆垣俱要修補高固厚鋪棘茨
附近門巷俱要祀截遮蔽不許閑人往來其
進場必由之路尤宜平濶疏除污穢以便行走
一火燭一事貢院內外俱當倍加謹防西安府捕
盜官每舖出給告示諭令小心仍多置水缸
預備火鈎步梯等項以戒不虞

一本院入場後各衙門中呈一應公文俱暫停
候出場之日投遞如有會稿部文塘報即報及地方緊
急重大事務應稟者不在此限

出格

祖宗廟號 諸陵 列聖 累朝 先帝 先朝

慈宮 皇祖 皇考 皇天 聖祖 聖母 神主

神靈 上天 上玄 上穹 天地 天命 天道

太廟 大祀 大享 大禘 玄穹 玄祐 園丘

方澤 郊壇 郊祀 宗廟 祖訓 祖制 徽號

遵號 寶訓 寶錄 祖法 山陵 內殿 陵戶

奉先殿

二臺頭

皇上 兩宮 皇后 皇極 皇言 皇圖 皇猷

皇明 聖皇 聖躬 聖子 聖節 聖旨 聖裁

聖聰 聖德 聖慮 聖斷 聖慈 聖心 聖武

聖學 聖政 聖治 聖化 聖制 聖諭 聖訓

聖謨 神孫 神祇 神器 神功 神武 神謨

神美 帝德 帝載 帝心 帝座 帝鑒 帝眷

上意 上命 上裁 上聞 天顏 天恩 天語

天聽 天威 天討 天戒 天朝 天府 天潢

太社 太稷 太位 大鵠 大統 大業 大誥

大典 大赦 日月 萬壽 萬乘 萬幾 宸衷

宸聰 宸諭 宸章 宸翰 宸斷 宸極 宸鑑

宸衷 宸嚴 睿謨 睿美 親灑 親筆 親祀

寵命 寵光 寵靈 親御 寵頒 鴻業 鴻烈

鴻化 鴻恩 鴻庇 鴻私 龍飛 龍興 龍來

龍章 御極 御前 御札 御覽 御製 御蹕

廟筭 廟謨 廟佑 明詔 明旨 明命 明良

欽依 欽定 欽陞 欽除 欽降 欽任 欽差

特旨 特命 特勅 特賜 俞命 俞旨 俞允

給命 給音 勅書 勅諭 德音 德音

王音 寄音 溫音 謚音 駕帖

戒諭 臨朝 臨御 臨軒 視朝 視政

幸學 躬耕 召對 召見 召用 恩典

恩宥 渥恩 曠恩 殊恩 錫予 恩典 感心

昭代 簡令 新命 休命 景命 景祚 卹錄

卹典 成命 握符 踐祚 乘乾 廣曆 建極

登極 富宇 九重 陛下 紫微 紫極 丹宸

丹霄 清朝 清問 清燕 冕旒 冕弁 黼黻

前座 法駕 煥漢 廟堂 廟廷 黑朝 黑運
開讀 天敬 起居 廟堂 廟廷 黑朝 黑運
頒降 頒布 皇極殿 中極殿 皇極門 乾清宮
建極殿 君駕 准詣 見辭 知罷 恩派
旨勅 詔制 請勅 令賜 聞上

二臺頭

皇妃 皇嬪 皇都 皇城 皇牆 彤墀 丹陛
丹墀 中宮 中禁 中秘 禁苑 禁中 禁衛
儲教 朝政 朝儀 朝房 朝貢 內閣 內府

內帑 內庫 宮闈 宮禁 鳳池 鳳闕 殿陛

闕廷 便殿 秘殿 平臺 輦轂 魚簿 御橋

掖垣 閭闔 客勿 扈從 駐蹕 清蹕 警蹕

侍從 侍衛 螭頭 紫禁 法宮 經筵 日講

齋宮 齋戒 廷試 廷議 國計 國儲 國體

國憲 國家 邦家 神京 幾輔 京師 中樞

明廷 明時 明例 丕基 丕圖 昌期 昌運

瑤圖 今日 賞賜 陞賞 封贈 崇文 右文

會典 令 制額 黃榜 符驗 登聞 表箋

進呈 正旦 令旦 冬至 千秋 東宮 青宮

藩邸 宗藩 宗室 宗盟 宗枋 玉牒 親王

郡王 殿下 令旨 啓本 先聖 先師 文廟

釋奠 盛世 成憲 盛典 鑾輿 乘輿 國祚

文華殿 武英殿 坤寧宮 弘正門 宣治門

會極門 歸極門 午門 左掖門 右掖門

闕左門 闕右門 端門 承天門 東長安門

西長安門 東華門 西華門 北安門 東安門

思善門 朝進 賀謝 奏貢

仙

順治拾伍年貳月內該本部題覆江南道監察御

史祖永杰科場之弊已極等事一疏議定試官

入簾鋪陳等項俱經內外監試官公同校檢明

白永行申飭至出題書籍只許正副主考攜帶

同考以下不許其出場慘檢杜收認門生之弊

相應照行闈牆高峻溝渠寬深查與修葺貢院

事例相符應再行申飭永著爲例如有修葺委

官因循怠忽者在外聽外巡察在內聽內監試

官卽行指名舉處盜錄飛報原係相沿惡習委

宜禁革應抄寫題名錄進

呈不許先於場內刊刻再有棍徒飛報索詐者在外聽五城御史在外該撫按行該地方官嚴禁重究其被索之家亦許首明究治等因奉

旨依議嚴飭行

順治拾伍年肆月內該本部題覆兵科左給事中加一級王命岳人才難得膽對宜精等事一疏議定今後各州縣起送膽錄書手對讀生員細加考驗擇善書外實正身詳開籍貫年貌差押

起送應用如有受下役聽其頂替及雇覓積棍
混入以不堪搪塞卽將起送之官題參各役正
身并雇替之人俱從重究罪如硃卷內遺落成
行硃淡無色及因錯洗改洗補責在謄錄有字
訛句落不細心詳讀註改者責在對讀倘有不
遵或被內簾查出或經本部查出或本生首舉
將謄錄各役對讀各生及各經管之官一併參
處其發榜之後落第之卷仍令各生赴部親閱
倘有前弊致悞真才者據實首舉查明題參其

用黃筆對讀所以迥別硃藍應在行申飭須用
色濃厚以便觀覽等因奉

旨依議

順治拾伍年伍月內該本部題磨勘試卷事一疏
議定卷面失填名次正榜失填者責在主考應
降職一級失填副榜名次應各罰俸一年硃卷
內有用黑筆添改字跡係主考藍筆添改係同
考官應各降職三級等因奉

旨依議罰停的照磨勘事例行經朕覆核的免罰停

科

順治拾伍年八月內該本部題覆工科給事中史彪古謹陳變通之法以節冗費等事一疏議定舊例各直省鄉試每舉人一名止許取科舉生儒三丁名原就中式原數酌取又有定例今各直省鄉試額旣減其錄科額數亦宜量減所減費用責令司府造冊報送戶部等因奉

旨依議

順治拾伍年柒月內該吏部等衙門尚書加一級

覺羅科等會題欽奉

上諭事一疏公議得查進士舊例三百名應酌減一
百五十名舉人照各省額俱應減去一半等因
奉

旨督撫按薦舉著照會典舉行不得濫及鄉會試取
額俱著減半

順治拾伍年捌月內該本部題覆山西道監察御
史加一級胡來相敬陳未議等事一疏查試
務得其人預飭各巡按會同藩臬二司並提

道務擇進士舉人推知中循卓素著及操履清
嚴者方准入內簾閱卷其操守平常衙規不肅
舉不許冒濫充數如本省缺人仍照舊行文臨
省巡按慎選風力推官及有學行進士舉人敢
官聘用原有定例等因奉

旨依議

順治拾陸年冬月內該本部題覆山東道監察御
史顧如華請頒奉經律誥於學宮等事一疏議
定申飭考官每遇後場考試論策問出孝經一

題以勵士尚至於場中作判務宜隨題判斷引
律明確不專以駢麗爲工等因奉

旨依議

順治拾陸年拾貳月內該本部題覆刑科右給事中楊雍
鄉試屆期已近等事一疏議定應通行鄉會試提
調官示令應試諸生槩不許作大結以垂畫一等因奉
旨依議

順治拾柒年貳月內該本部題覆禮科右給事中
楊雍建今秋鄉試屆期等事一疏議定鄉會試

場在外各省同考各撫按公慎酌量扣定日期
密行信取本省及隣省才望素著推知或科甲
教職到省即日公闈入闈以絕弊竇以上各同
考官先儘甲科甲科不足兼取鄉科若房官闈
中果有作弊情節許主考不時據實糾參或主
考通同房官作弊情實內許監試御史外許該
撫按不時糾參其撫按所取簾官內有關節賄
賂敗露者查係某撫某按取用一併治罪等因
奉

旨是依議行

順治拾柒年貳月內該本部題覆刑科左給事中
加一級金漢鼎臺班職掌甚重等事一疏議定
主考差至各省例應監臨提調嚴為闔防今宜
更加慎密嗣後主考到省應禁絕監臨提調官
迎接拜望以遠嫌疑自出京一至入境務令扣
定日期凡省中寓所俱用巡按封條令巡按御
史不時親行巡察入簾行李聽監臨提調官公
同驗明出題書籍應令該地方官預備正文官

板亦許正副主考量帶以備較正等因素
旨依議

順治拾柒年肆月內該本部題覆工科給事中劉
大謨謹陳秋闈閱卷之規等事一疏議定闈中
閱卷正副主考官各分考官同集一堂卷上不
打某房印子仍用某經印子一經收藏一處其
同閱一經各官信手拈本經卷看閱閱畢或應
取或不應取隨時呈主考官覆閱定奪某經應
中若干卷止論文取定原定各經額數不必拘

定某人取幾卷遇有薦卷應駁者至再至三不妨仍舊詳慎但應入會場例將不干卷拔出不中緣由明註批語經三駁者於卷面上註三駁字梯俟揭曉日一同中卷解部以便查核至同考閱卷之時原應同經各官同堂公閱非私下可以商訂亦非別經同考所得干與飲食寢宿各歸房舍不得恣論縱談應責成主考諸臣嚴行申飭如有故違立刻扶出具題卷處倘主考徇庇不舉該撫按體訪得實一併題參等因奉

音依議

順治拾柒年伍月內該本部題覆巡按浙江監察御史楊旬瑛謹陳變通之法以節冗費等事一疏議定同考各官應聽該撫按臨期酌定分某經幾卷用若干人同經公閱其春秋禮記二房仍各用二官以合不分房之例其行取公闈等事仍照前議恭慎舉行等因奉

旨是同考官不許分註批語唯主考官加批其春秋禮記二房名色盡行刪去直省俱著一體遵行

卷之

第

第

經

經

經

經

經

經

經

巡按陝西兼管屯田監察御史施

爲科舉

事順治拾柒年捌月拾伍日奉

都察院禮行壹百叁號勘劄准禮部咨儀制清
吏司案呈奉本部送禮科抄出該本部題覆巡
按陝西施題前事等因順治拾柒年陸月
拾柒日題柒月初貳日奉

旨禮部知道欽此欽遵於柒月初叁日抄出到部蒙
批司察照選司查得科場條例內開陝西中額
易經貳拾名詩經貳拾柒名書經貳拾名春秋

伍名禮記陸名外共加壹名閱貳經之優者定之其中柒拾玖名又順治拾肆年題定寧夏每科編爲丁字號於秦省額數內額中貳名又本年題定甘肅准於秦省額內量分貳名將甘肅地方另編爲聿字號中貳名在案又查科場條例內開各直省同考各官以科舉之數爲准每官分閱叁百卷或貳百伍拾卷又春秋禮記於拾肆年題定各增一官以合公闕之例等因在案又順治拾柒年貳月內本部覆科臣楊

疏內稱在外各省同考應

勅各撫按公慎酌量扣定日期密行倍取本省及隣
省才望素著推知或甲科敎職到省卽日公聞
入闈以絕弊竇以上各同考官先儘甲科甲科
不足兼取鄉科等因奉

旨是依議行欽遵在案相應議覆案呈到部該臣等
議得陝西鄉試中額應照舊額減半取中肆拾
名其額內丁字號聿字號舊各中貳名今亦應
各減壹名同考各官應聽該撫按臨期酌定分

其經幾卷用若干人同經公閱其春秋禮記或
經仍各用貳官以合公閱之例其行取公閱等
事仍照前議恭慎舉行至於外簾各官未經議
減相應仍照舊行可也等因順治拾柒年柒月
拾陸日題本月拾玖日奉

旨依議欽此抄部移咨到院備劄前來奉此擬合就
行爲此仰司呈堂查照部覆奉

旨及粘抄內事理轉行欽遵施行

